

四庫禁燬書叢刊編纂委員會

北京出版社

四庫禁燬書叢刊

補編

四庫禁燬書叢刊編纂委員會

北京出版社

四庫禁燬書叢刊
補編

圖書在版編目(CIP)數據

四庫禁毀書叢刊補編 / 《四庫禁毀書叢刊》編纂委員會編. —北京:北京出版社,2005

ISBN 7-200-06020-8

I. 四… II. 四… III. 叢書—中國—古代
IV. Z121.7

中國版本圖書館 CIP 數據核字(2005)第 029768 號

責任編輯:楊良志

四庫禁毀書叢刊補編

《四庫禁毀書叢刊》編纂委員會 編

北京出版社出版

北京北三環中路六號

郵政編碼: 100011

北京出版社出版集團總發行

新華書店經銷

北京市白帆印務有限公司印製

開本: 七八七×一〇九二毫米 1/16

印張: 四〇〇八·七五印張

二〇〇五年八月第一版第一次印刷

印數: 一—三〇〇套

書號: ISBN 7-200-06020-8/K·655

定價: 人民幣伍萬肆仟圓

ISBN 7-200-06020-8



9 797200 060200

補編第四冊目次

南北史合注一百九十一卷(原缺卷一百七十二)(一)

[明]李清撰
清乾隆鈔文淵閣四庫全書撤出本

……
一

南北史合注一百九十一卷（原缺卷一
百七十二）（一）

〔明〕李清撰

清乾隆鈔文淵閣四庫全

書撤出本

故宮博物院圖書館

北京大學圖書館藏

四庫全書

北史合注

提要

臣等謹案南北史合注一百九十一卷明李清撰清字心水號映碧揚州興化人禮部尙書思誠之孫大學士春芳之玄孫崇禎辛未進士官至吏科給事中事跡附見明史李春芳傳清以南北朝諸史並存冗雜特甚李延

欽定四庫全書

南北史合注
提要

壽雖併為一書而諸說兼行仍多矛盾嘗與張溥議欲仿裴松之三國志注例合宋齊梁陳四史為南史魏齊周隋四史為北史未就而溥歿後清簡閱佛藏見三寶記載有北魏文帝大統中遺事感通錄載有齊文宣隋文帝遺事高僧傳載有宋孝武帝梁武帝遺事因思卒前業乃博採諸書以成此注參訂異同考訂極為精密又于原書之失當者畧為

改定其文如高歡宇文泰未篡而前史書之

為帝者皆改稱名後梁之附北史者改附南

史宋武帝害零陵王直書為弑魏馮胡二后

以弑君故編為逆后與逆臣同書又二史多

識緯佛門事以非史體悉改入注其持論亦

為不苟然裴松之注三國志雖多所糾彈皆

仍其本文不加點竄即世說新語不過小說

家言劉孝標所注一一攻其謬妄亦不更易

欽定四庫全書

南北史合注
提要

其文蓋古來注書之體如是也惟周改史記為古史考荀悅改漢書為漢紀范蔚宗合編年四族紀傳五家為後漢書並採摭舊文別為新製未嘗因其成帙塗乙丹黃蓋古來著書之體如是也清既不能如郝經之三國志改正重編又不肯如顏師古之注漢書循文綴解遂使南北二史不可謂之清作又不可謂之李延壽作進退無據未睹其安至于八

史之中四史無志南北二史亦無志故清劉
 宋書南齊書魏書隋書四史之志取其事實
 散入紀傳之中不知隋志本名五代史志故
 其事上括前朝當時未有南北史無所附麗
 故奉詔編入隋書清既合注南北史自應用
 續漢十志補後漢書之例移掇編入而以劉
 昭之例詳考諸書以注之于制度典章豈不
 明備乃肩肩刪改紀傳置此不言亦為避難
 欽定四庫全書

南北史合注
 三

總纂官臣陸錫熊臣孫士毅
 總校官臣陸費輝

南北史合注原序

予與同籍張天如皆喜讀史每欲仿陳承祚志三國
 與裴世期注三國故事以例南北史合宋齊梁陳四
 史于南合魏齊周隋于北搜遺除複粲然成觀天如
 沒而予亦倦矣且陳志有種而裴注難廣每卷初言
 輒愾然嘆乃今偶簡佛箴而又竊有喜也一得西魏
 遺事奇魏書正東魏故西魏諸君皆照彼北史所補
 文帝紀寥寥耳乃予讀三寶記則詳一載大統二年
 欽定四庫全書

南北史合注
 原序

甘露降秋穀不熟一載大統十年正獄訟究刑罰廣
 學校教禮教斷草書去文就質一載大統十五年詔
 儒臣定禮男女異路探書無取發塚獲編不籍破匣
 其應採一也一得北齊遺事奇齊文宣帝凶殘酖君
 焚弟屠元氏種幾盡每閱史至帝崩恨恨耳乃予讀
 感通錄則快錄言帝於晉陽不豫命劉桃枝負行昇
 血淋瀝其夜崩嗜殺有報瀝血其徵暴辛之首未懸
 逆師之目已出其應採二也一得隨遺事奇當

隋文帝謀篡周時尉遲迥起兵討罪史但言帝殺迥諸子猶原其幼者惻然耳乃予讀感通錄則慘言是役也倅鹵將百萬總集相州遊豫園明旦斬決圍墻有孔出者縱之至晚猶斷六十萬人於漳河岸血流成河忍哉帝盡滅宇文氏族已甚而乃徧及宇文家頑民長平之新坑復填參合之故敗又集其應採三也若此者可補北史闕至可補南史闕則僧尊之初見宋孝武也以孝建討逆三綱更始感事懷昔悲不自勝孝武亦哽咽良

欽定四庫全書

南北史合注
原序

三

久其有元嘉之思乎可以教忠又梁武之立七廟於景陽臺也設皇考妣二坐輕暖時易芬香必薦雖翔望親奉饋奠猶以無所瞻依為悲其有琴瑟之感乎可以教孝是二事者俱見高僧傳故予於佛藏中猶作勤搜世期以補次承祚所未備則推之他儒書其矻矻可知也若夫如至今存當商緝同之謂息壤在彼而獨予一人者神短篇繁遂望洋欲輟詎止班志未就猶思孟堅實則蔡書靡成深懷伯喈雖然九仞一篑予尚有志焉若

天如玉樓記就未知猶念是史久懸而以起予為自踐否新唐一書歐宋共編追憶斯事以為太息興化李清自序

欽定四庫全書

南北史合注
原序

三

欽定四庫全書

南北史合注卷一

明李清撰

宋本紀上第一

南史一

宋高祖武皇帝薛裕字德興小字寄奴

沈約宋書符瑞志曰皇考以高祖生有奇異名為奇奴皇妣組養於舅氏改為寄奴

彭城縣綏興里人姓劉氏楚元王交二十一世孫彭城

欽定四庫全書

南北史合注

卷一

楚都故苗裔家焉晉氏東遷劉氏移居晉陵丹徒之京口里皇都靖晉東安太守皇考翹字顯宗郡功曹高祖以晉哀帝興寧元年歲在癸亥三月壬寅夜生神光照室盡明是夕甘露降於墓樹及長雄傑有大度身長七尺六寸風骨奇偉不事廉隅小節奉繼母以孝聞嘗游京口竹林寺獨臥講堂前上有五色龍章衆僧見之驚曰高祖高祖獨喜曰上人無妄言皇考墓在丹徒之候山其地秦史所謂曲阿丹徒間有天子氣者也時有孔

恭善占墓高祖嘗與經筵歎之曰此墓何如孔恭曰非常地也高祖益自負行止時見二小龍附翼橫漁山澤同侶亦觀焉及貴龍形更大高祖素貧時人莫能知唯琅邪王謚獨深敬焉

沈約宋書符瑞志曰帝嗜酒嘗息逆旅旅姬命入室飲酒醉臥盜側謚有門生亦至此逆旅旅姬命入室共飲門生入室驚出謂姬曰室內那得此異物問之

欽定四庫全書

南北史合注

卷一

厚

高祖嘗負刀造柱錢三萬經時無以還被遠執謚密以已錢代償得釋後伐荻新州見大蛇長數丈射之傷明日復至洲裏聞有白白聲往視之見童子數人皆青衣持藥棒中間其故答曰我王為劉寄奴所射合散傳之高祖曰王神何不殺之答曰劉寄奴王者不死不可殺高祖叱之皆散仍收藥而反又容下邳逆旅一沙門謂高祖曰江表當亂安之者君乎高祖先志手創積年不

愈沙門有一黃藥留與高祖既而忽亡高祖以黃散傳之其創一傳愈寶其餘及所得童子藥每過金瘡傳之並驗初為冠軍身無終司馬晉隆安三年十一月妖賊孫恩作亂會稽朝廷遣衛將軍謝琰前將軍劉牢之東討牢之請高祖叅府軍事命與數十人現賊遇賊衆數千便與戰所將人多死而高祖奮長刀所殺傷甚衆牢之子敬宣疑高祖為賊所困輕騎之既而衆騎至遂平山陰恩遁入海四年五月恩復入會稽殺謝琰十一

欽定四庫全書

南北史合注 卷一

戰陷陣

宋書曰嘗被堅執銳為士卒先

賊乃退還決口時東伐諸將士卒暴掠民皆苦之惟高祖獨無所犯五年春恩頻攻句章高祖屢破之恩復入海三月恩北出海鹽高祖築城于故海鹽賊日來攻城城內兵少高祖乃選敢死士擊走之

宋書曰高祖選敢死士數百人咸脫甲冑執短兵鼓

謀而出賊震懼奪氣因其懼奔之並走斬其大將姚威時雖連勝高祖深慮衆寡不敵乃一夜偃齊示以羸弱觀其懈乃奮擊大破之

宋書曰高祖一夜偃旗匿衆若已遁者將晨使羸疾數人登城賊遠問劉諱所在曰夜已走矣賊信之率衆大上高祖乘懈奮擊乃大破之

欽定四庫全書

南北史合注 卷一

子嗣之以吳兵一千為前驅帝以吳人不習戰若前驅失利必敗我軍命在後為聲援不從是夜帝多設奇兵兼置旗鼓明日戰伏發賊退

宋書曰諸伏舉旗鳴鼓賊疑四面有軍乃退

嗣之退奔陷沒帝且退且戰麾下死傷將盡乃至向伏兵處止令左右解取死人衣以示暇賊謂當走反停疑尚有伏高祖因呼更戰氣色甚猛乃引去六月恩浮海至丹徒樓船十餘萬京邑震動帝倍道兼行與俱至奔

擊大破之

宋書曰時衆力既寡丹徒守軍莫有鬪志恩率衆數萬鼓譟登蒜山居民皆荷擔而立高祖率所領奔擊大破之投噉赴水死者甚衆恩以排鼓自載僅得還舟然猶恃其衆力徑向京師樓舡高大值風不得進旬日乃至白石

恩至建鄴知朝廷有備遂走鬱洲八月天子以高祖為下邳太守高祖又追恩至鬱洲及海鹽頻破之三戰並

欽定四庫全書

南北史合注 卷一

五

大獲俘讖萬數恩自是飢饉奔海元興元季荊州刺史史桓立舉兵東下驃騎將軍司馬元顯遣牢之拒之高祖又參其軍事立至高祖請擊之牢之不許乃遣子敬宣詣立請和高祖與東海何無忌並固諫不從立克建鄴以牢之為會稽內史奪其兵牢之懼招帝于廣陵舉兵高祖曰人情去矣

宋書載高祖曰將軍以勁卒數萬望風降附彼新得志威鎮天下人情去矣

廣陵亦豈可得至牢之竟縊於新洲何無忌謂高祖曰我將何之高祖曰可隨我還京口立必守臣節當與卿事之不然與卿圖之立從兄脩以撫軍將軍鎮丹徒以高祖為中兵參軍孫恩自敗後懼見獲乃于臨海投水死餘衆推恩妹夫盧循為主立復遣高祖東征二年循奔永嘉高祖追破之循浮海南走六月加彭城內史十二月桓立篡位

欽定四庫全書

南北史合注 卷一

六

宋書曰立為楚王將謀篡盜其從兄謀屏人謂高祖曰楚王勲德隆重咸謂宜有禪代卿以為何如高祖志欲圖立乃遜辭答曰楚王勲德蓋世吾室微弱禪代有何不可謙喜曰卿謂可使真可耳

遣天子於尋陽桓脩入朝高祖從至建鄴立見之謂司徒王謚曰昨見劉裕風骨不恆蓋人傑也每游某贈賜甚厚立妻劉氏尚書令耽女聰明有智鑒嘗見高祖因謂立曰劉裕龍行虎步視瞻不凡恐必不為人下宜早為其所立曰我方平蕩中原非裕莫可待闕隴平定然

後議之脩尋還京口高祖託以金創疾動不堪步從乃與無忌同舟共還建興復計

宋書曰初高祖東還盧循何無忌隨至山陰勸舉義會稽高祖以玄未篡且會稽遠事濟為難俟其篡逆事著於京口固之不爰不克至是乃共建興復計

及弟道規沛國劉毅平昌孟昶任城魏詠之高平檀憑之琅邪諸葛長民太原王元德隴西辛扈興東莞童厚之並同議謀時桓脩弟弘為青州刺史鎮廣陵道規為

欽定四庫全書

南北史合注 卷一

七

弘中兵參軍昶為州主簿乃令毅就昶謀共襲弘長民為豫州刺史刁遠左軍參謀擬歷陽應元德厚之謀于建鄴攻玄克期齊發三年二月乙卯高祖託游獵與無忌詠之憑之毅從弟蕭憑之從子韶祗隆道濟昶族弟懷玉等集義徒凡二十七人願從者百餘人丙辰候城門開無忌等義徒服傳詔服稱詔居前義眾馳入齊叫吏士驚散即斬脩以狗高祖哭之甚痛厚加餼卹昶勸弘其日出獵未明閉門出獵人昶道規毅等率壯士五

六十人因開門直入弘方噉粥即斬之因收眾濟江義軍初克京城脩司馬刁弘率文武佐吏來赴高祖登城謂曰郭將軍已奉乘輿反正尋陽我等並被密詔誅逆

黨今日賊玄之首已當梟於大航諸君非大晉臣乎弘等信之而退毅既至高祖命誅弘等毅兄邁先在建鄴事未發數日高祖遣同謀周安穆報之使為內應邁外

雖酬許內甚懼安穆慮事發馳歸時玄以邁為竟陵太守邁使下丹欲之郡是夜玄與邁書曰北府人情云何

欽定四庫全書

南北史合注 卷一

八

卿近見劉裕何所道邁謂玄已知其謀晨起白之玄驚封邁為重安侯又以不執安穆故殺之誅元德扈興厚之等
宋書曰玄遣桓謙等謀拒高祖謙與下範之曰亟遣兵攻之玄曰不然彼兵速銳計出萬死若行遣水軍不足相抗不若屯大衆于覆舟山待之彼空行二百里銳氣已挫忽見大軍必驚愕我堅陣弗戰自然走散此上計也謙等固請

乃遠頓邱太守吳甫之右衛將軍皇甫敷北拒義軍先是高祖遣游擊將軍竹澹之左右見高祖光曜滿室以告澹之澹之白玄玄不以為意至是聞義兵起甚懼或曰裕等甚弱陛下何慮之深玄曰劉裕一世之雄劉毅家無礮石之儲拷痛一擲百萬何無忌劉牢之之外甥酷似其舅共舉大事何謂無成時衆推高祖為盟主以孟昶為長史抱後軍檀憑之為司馬民願從者千餘人軍次竹里移檄都下曰夫成敗相因理不常泰狡馬肆

欽定四庫全書

南北朝合注

九

有心誰不扼腕裕等所以叩心泣血不遑啓處者也是故夕寐宵興搜獎忠烈潛構崎嶇過于履虎垂機奮發義不圖全輔國將軍劉毅廣武將軍何無忌鎮北主簿孟昶兖州主簿魏詠之寧遠將軍劉道規龍驤參軍劉藩振威將軍檀憑之等忠烈斷金精貫白日荷戈奮袂志在畢命益州刺史毛璩萬里齊契掃定荆楚江州刺史郭昶之奉迎主上宮于尋陽鎮北將軍王元德等並率部曲保據石頭揚武將軍諸葛長民收集義士已據

欽定四庫全書

南北朝合注

十

躬山川以增佇投機之日神馳賊庭三月戊午遇吳甫
之於江東甫之玄梟將兵甚銳高祖躬執長刀大呼即
斬甫之進至羅洛橋遇皇甫敷逆戰檀憑之戰敗死之
衆退高祖進戰彌厲又斬敷首

司馬光資治通鑑曰敷圍裕敷重裕倚大樹挺戰敷
曰汝作何死拔戰將刺之裕瞑目叱敷敷辟易裕衆
至射敷中額而踣裕拔刀直進敷曰君有天命以子
孫為托裕斬之厚撫其孤

欽定四庫全書

南北朝合注
卷一

初建大謀有善相者相高祖與無忌等近當大貴惟云
憑之無相至是戰死高祖知事必捷玄聞敷等沒使桓
謙屯東陵口下範之屯覆丹山西已未義軍進至覆丹
東張旗幟為疑兵以油帔冠諸樹布滿山谷高祖以身
先馳之將士皆殊死戰無不一當百時東北風急因風
縱火煙燭漲天鼓譟之音震動天地謙等大敗玄始雖
遣軍走意已決別遣領軍殷仲文具舟石頭聞謙敗輕
舟南逸庚申高祖鎮石頭城立留臺摠百官焚桓桓溫主

於宣陽門外造晉新主於太廟遣諸將追玄命尚書王
叔率百官奉迎乘輿司徒王謚與衆議推高祖領揚州
固辭乃以謚為錄尚書事領揚州刺史高祖為鎮軍將
軍都督八州諸軍事徐州刺史領軍將軍初晉陵人韋
吏善相術桓備令相高祖當得州否吏曰當得邈州刺
史退而私於高祖曰君相貴不可言高祖笑曰若中當
相用為司馬至是吏詣高祖曰成王不負桐葉之信公
亦應不忘司馬之言今不敢希鎮軍司馬願得領軍佐

欽定四庫全書

南北朝合注
卷一

于是用馬時諸葛長民失期為刀造執送未至而玄敗
玄經尋陽江州刺史郭昶之為具乘輿法物初荊州刺
史王綏以江左冠族又桓氏甥素陵高祖至是及其父
尚書左僕射愉有自疑志並及誅四月戊子奉武陵王
遵為大將軍承制大赦惟桓氏一祖後不赦桓玄之篡
王謚佐命手解安帝璽紱及義旗建衆謂謚宜誅唯高
祖素德謚保持之劉毅常因朝會問謚璽紱所在謚益
懼及王愉父子誅謚從弟謚謂謚曰王駒無罪而誅此

是翦除勝己兄既桓氏黨附求免得乎駒愉小字也謚懼奔曲阿高祖賤白大將軍迎還復其位玄扶天子走江陵又浮江東下與劉毅何無忌劉道規等過于崢嶸洲衆軍大破之玄黨殷仲文奉晉二后還建鄴玄復挾天子至江陵因走南郡太守王騰之荊州別駕王康產奉天子入南郡府初益州刺史毛璩從孫祐之與參軍費恬送弟喪下州璩弟子脩之時為玄屯衛校尉誘玄入蜀至枝回洲恬與祐之迎射之益州督護馮遷斬玄首傳建鄴

欽定四庫全書

南北朝史注 卷一

宋書曰初玄敗于崢嶸洲義軍以大事已定追躡不速玄死幾旬衆軍猶不至

玄從子振逃于華容之涌中招集逆黨襲江陵城騰之康產皆被殺桓謙先匿沮川亦聚衆應振為玄舉哀立喪庭謙率衆官奉璽綬于天子劉毅何無忌進兵及桓振戰敗于靈谿十月高祖領青州刺史甲仗百人入殿義熙元年正月毅等至江津破桓謙桓振江陵平三月甲子天子至自江陵庚子詔進高祖侍中車騎將軍都

督中外諸軍事錄尚書事高祖固讓

宋書曰高祖屢請歸藩天子不許遣百寮致勸又親幸公第高祖惶懼詣闕陳請天子不能奪

旋鎮丹徒九月乙巳加高祖領兗州刺史盧循浮海破廣州獲刺史吳隱之即以循為廣州刺史以其黨徐道覆為始興相二年三月進高祖督交廣二州十月論匡復勲封豫章郡公邑萬戶賜絹三萬疋餘封賞各有差

欽定四庫全書

南北朝史注 卷一

宋書曰十一月天子重申前命加侍中進號車騎將軍開府儀同三司帝固讓詔遣百官致勸三年二月高祖還京師將詣廷尉天子先詔獄官不得受詣闕陳謝乃見聽旋於丹徒

三年十二月司徒錄尚書事揚州刺史王謚卒四年正月徵公入輔授侍中車騎將軍開府儀同三司揚州刺史錄尚書事徐兗二州刺史如故表解兗州先是公遣官軍劉敬宣伐蜀賊譙縱無功而還九月公以敬宣挫退遜位不許十月乃降為中軍將軍開府如故五年二

月偽燕王慕容超大掠淮北三月公抗表北討以丹陽尹孟昶監中軍留府事乃浮海入泗五月至下邳留船艦踞重步軍進琅邪所過築城留守超大将公孫五樓請斷大峴除粟苗堅壁清野以待超不從是役也議者以為賊若嚴守大峴除粟所資何能自反公曰不然鮮卑性貪略不及遠既幸其勝且愛其穀必將引我且亦輕戰師一入峴吾何患焉

宋書載公曰鮮卑進利克獲退惜粟苗謂我孤軍遠

欽定四庫全書

南北朝注

卷一

入不能持久不過進據臨拘退守廣固我一得入峴驅必死之衆向懷二之酋何憂不克彼不能清野固守為諸君保之

及入峴公舉手指天喜形于色曰吾事濟矣衆問其故公曰師已過險士有必死之志餘糧栖敵軍無匱乏之憂酋已入吾掌中矣六月超留羸老守廣固使其廣甯王賀賴盧及公孫五樓悉力據臨朐去城四十里有巨蔑水超告五樓急據之比至為龍驤將軍孟龍符所保

五樓乃退大軍分車四千兩為二翼方軌徐行車悉

張憶御者執稍以騎為游軍軍令嚴肅比及臨朐

騎交至公命兗州刺史劉藩并州刺史劉道憐等陷

其陣日向晨戰猶酣公用參軍胡藩策襲克臨朐賊

乃大奔超遁還廣固獲其玉璽豹尾鞞等送於都

子克廣固大城起固守小城乃設長圍守之館穀于

青土停江淮轉輸七月超尚書郎張綱乞師於秦姚

興自長安反太山太守申宣執送之綱有巧思先是

欽定四庫全書

南北朝注

卷一

公修攻具城上人曰汝不得張綱何能為及至升諸樓車示之城內莫不失色超既求救不獲綱反見酋乃求稱藩劉大峴為界獻馬千足不聽時姚興遣使聲言將涉江左

宋書載興使曰慕容見與隣好今當遣鉄騎十萬進

據洛陽晉若不退當長驅而進

公謂曰爾報姚興我定青州將過函谷酋能自送今其時矣錄事參軍劉穆之遞入曰此言不足成敵容能怒

彼若鮮卑未拔西羌又至何以待之公笑曰此兵機非卿所及羌若能救不有先聲是自彊也

宋書載公曰兵貴神速彼若審能遣救必畏我知寧容先遣信命耶此是見我伐燕內已懷懼自張之辭耳

資治通鑑曰晉師不出為日已久羌見伐齊殆將內懼自保不暇何能救人

十月張綽脩攻城具成設飛樓懸梯木慢板屋冠以牛皮弓矢無所用之劉毅遣上黨太守趙以千餘人來援

欽定四庫全書

南北朝合注

卷一

公夜潛遣軍會之明旦恢眾五千方道而進每晉使將到輒復如之六年二月丁亥屠廣固起踰城走追獲之斬於建康市殺其王公以下二千餘人約生口萬餘馬二千匹初公之北伐徐道覆勸盧循棄虛而入循不從道覆乃至番禺說循曰今日之機萬不可失若克京都

劉公雖還無能為也循從之是月寇南康廬陵豫章諸郡郡守皆奔走時公將鎮下邳進兵河洛及徵使至即

日班師鎮南將軍何無忌與道覆戰敗沒于豫章內外震駭朝議欲奉乘輿北走公次山陽聞敗卷甲與數十人造江上

資治通鑑曰朝廷急徵裕卷甲兼行將濟江風急眾咸難之裕曰若天命助國風當自息不然覆溺何害舟移而風止

徵問知賊尚未至四月癸未公至都劉毅自表南征公以賊新提鋒銳須嚴軍備進

欽定四庫全書

南北朝合注

卷一

宋書載公與毅書曰吾往習擊妖賊晚其變態賊新獲奸利鋒不可當須嚴裝畢與弟同舉

使劉藩止之毅不從

宋書曰徐道覆聞毅上馳使報循請并力推之循即日已陵與道覆連旗而下別有八艘艘九枚起四層高十二丈

五月壬午盧循敗毅于桑落洲及審公凱入相視失色欲還尋陽平江陵據二州以抗朝廷道覆請乘勝遂下